

VENDIM
Nr. 415, datë 27.4.2009

PËR RITJEN E PENSIONEVE

Në mbështetje të nenit 100 të Kushtetutës dhe të nenit 88 të ligjit nr.7703, datë 11.5.1993, “Për sigurimet shoqërore në Republikën e Shqipërisë”, të ndryshuar, dhe të ligjit nr.10 025, datë 27.11.2008, “Për buxhetin e vitit 2009”, me propozimin e Ministrit të Financave, Këshilli i Ministrave

VENDOSI:

1. Rritjen, në masën 8 për qind, të:

a) pensioneve të plota, të pjesshme dhe të parakohshme, të pleqërisë, të pensioneve për merita të veçanta dhe për vjetërsi shërbimi, të caktuara sipas ligjit nr.4171, datë 13.9.1966, “Për sigurimet shoqërore në Republikën Popullore të Shqipërisë”, dhe nr.7703, datë 11.5.1993, “Për sigurimet shoqërore në Republikën e Shqipërisë”, të ndryshuar, përjashtuar pensionet e caktuara në përputhje me paragrafin e katërt, të nenit 96, të ligjit nr.7703, datë 11.5.1993, “Për sigurimet shoqërore në Republikën e Shqipërisë”, të ndryshuar;

b) pensioneve të posaçme shtetërore dhe të shtesave të pensioneve të posaçme shtetërore, të caktuara në përputhje me ligjin nr.7703, datë 11.5.1993, “Për sigurimet shoqërore në Republikën e Shqipërisë”, të ndryshuar;

c) shtesës mujore, të përfituar në përputhje me vendimin nr.326, datë 21.6.1993, të Këshillit të Ministrave, “Për kriteret e trajtimit të invalidëve të Luftës kundër Pushtuesve Nazifashistë të Popullit Shqiptar”;

ç) pensioneve të caktuara me dekretin nr.758, datë 1.2.1994, të Presidentit, “Për një mbrojtje të veçantë të ushtarakut”, miratuar me ligjin nr.7799, datë 24.2.1994;

d) shtesës mbi pension, të dhënë në përputhje me nenin 33, të ligjit nr.7703, datë 11.5.1993, “Për sigurimet shoqërore në Republikën e Shqipërisë”, të ndryshuar.

2. Rritjen, në masën 10 për qind, të pensioneve të plota, të pjesshme dhe të reduktuara të invaliditetit dhe të pensioneve familjare, të caktuara sipas ligjit nr.4171, datë 3.9.1966, “Për sigurimet shoqërore në Republikën Popullore të Shqipërisë”, dhe të ligjit nr.7703, datë 11.5.1993, “Për sigurimet shoqërore në Republikën e Shqipërisë”, të ndryshuar, përjashtuar pensionet e caktuara në përputhje me paragrafin e katërt, të nenit 96, të ligjit nr.7703, datë 11.5.1993, “Për sigurimet shoqërore në Republikën e Shqipërisë”, të ndryshuar.

3. Rritjen, në masën 10 për qind, të shtesave mbi pension, të dhëna në përputhje me nenet 38 e 39, të ligjit nr.7703, datë 11.5.1993, “Për sigurimet shoqërore në Republikën e Shqipërisë”, të ndryshuar, dhe me nenin 24, të ligjit nr.4171, datë 3.9.1966, “Për sigurimet shoqërore në Republikën Popullore të Shqipërisë”.

4. Rritjen, në masën 22 për qind, të:

a) pensioneve të plota dhe të pjesshme, të pleqërisë, të pensioneve të invaliditetit dhe pensioneve familjare, të caktuara në përputhje me ligjin nr.4976, datë 29.6.1972, “Për pensionet e anëtarëve të kooperativave bujqësore në Republikën Popullore të Shqipërisë”;

b) pensioneve të caktuara në përputhje me paragrafin e katërt, të nenit 96, të ligjit nr.7703, datë 11.5.1993, “Për sigurimet shoqërore në Republikën e Shqipërisë”, të ndryshuar.

5. Rritjen, sipas përcaktimeve në pikat 1, 2, 3 e 4, të këtij vendimi, e përfitojnë edhe pensionet, të cilat caktohen nga data 1.5.2009 e në vazhdim, me kusht që data e fillimit të pensionit apo trajtimit të jetë deri më 30.4.2009, përfshirë edhe këtë datë.

6. Pensionet e plota të pleqërisë, pensionet e plota të invaliditetit dhe pensionet e plota familjare, të caktuara në mbështetje të ligjit nr.7703, datë 11.5.1993, “Për sigurimet shoqërore në Republikën e Shqipërisë”, të ndryshuar, me përjashtim të pensioneve të caktuara në përputhje me

paragrafin e katërt, të nenit 96, të këtij ligji, me datë fillimi nga 1.5.2009 e në vazhdim, nuk caktohen më pak se 10 276 (dhjetë mijë e dyqind e shtatëdhjetë e gjashtë) lekë në muaj dhe më shumë se 20 552 (njëzet mijë e pesëqind e pesëdhjetë e dy) lekë në muaj.

7. Pensionet e plota të pleqërisë, pensionet e plota të invaliditetit dhe pensionet e plota familjare, të caktuara në përputhje me paragrafin e katërt, të nenit 96, të ligjit nr.7703, datë 11.5.1993, “Për sigurimet shoqërore në Republikën e Shqipërisë”, të ndryshuar, me datë fillimi nga 1.5.2009 e në vazhdim, nuk mund të caktohen më pak se 6 344 (gjashtë mijë e treqind e dyzet e katër) lekë në muaj.

8. Pensionistët, që përfitojnë pension pleqërie, pension invaliditeti dhe pension familjar, të caktuara sipas ligjeve nr.4171, datë 13.6.1966, “Për sigurimet shoqërore në Republikën Popullore të Shqipërisë”, dhe nr.7703, datë 11.5.1993, “Për sigurimet shoqërore në Republikën e Shqipërisë”, të ndryshuar, përjashtuar ato të caktuara në përputhje me paragrafin e katërt, të nenit 96, të ligjit nr.7703, datë 11.5.1993, “Për sigurimet shoqërore në Republikën e Shqipërisë”, të ndryshuar, edhe pas rritjes së pensioneve të përcaktuara në pikat 1, 2 e 3, të këtij vendimi, do të vazhdojnë të marrin kompensimin e të ardhurave, sipas kriterëve dhe masës së përcaktuar në vendimet nr.401, datë 21.6.2006, “Për kompensimin e të ardhurave mujore të pensionistëve”, dhe nr.763, datë 27.12.2006, “Për kompensimin e të ardhurave mujore të pensioneve”, të Këshillit të Ministrave.

9. Pensionistët, që përfitojnë pension pleqërie, pension invaliditeti dhe pension familjar, të caktuara sipas ligjeve nr.4976, datë 29.6.1972, “Për pensionet e anëtarëve të kooperativave bujqësore në Republikën Popullore të Shqipërisë”, dhe sipas paragrafit të katërt, të nenit 96, të ligjit nr.7703, datë 11.5.1993, “Për sigurimet shoqërore në Republikën e Shqipërisë”, të ndryshuar, edhe pas rritjes së pensionit, në masën e caktuar në pikën 4, të këtij vendimi, do të vazhdojnë të marrin kompensimin e të ardhurave, në masën e përfituar nga zbatimi i vendimit nr.17, datë 20.1.2007, të Këshillit të Ministrave, “Për kompensimin e të ardhurave mujore të pensionistëve të fshatit”.

10. Pas rritjes së pensionit sipas përcaktimeve në shkronjën “a”, të pikës 1, të këtij vendimi, kompensohen me:

a) 190 lekë në muaj, pensionistët, që përfitojnë pension të plotë, minimal, pleqërie, të caktuar sipas ligjeve nr.4171, datë 13.9.1966, “Për sigurimet shoqërore në Republikën Popullore të Shqipërisë”, dhe nr.7703, datë 11.5.1993, “Për sigurimet shoqërore në Republikën e Shqipërisë”, të ndryshuar, përjashtuar ato të caktuara në përputhje me paragrafin e katërt, të nenit 96, të ligjit nr.7703, datë 11.5.1993, “Për sigurimet shoqërore në Republikën e Shqipërisë”, të ndryshuar, kur të ardhurat mujore nga pensioni dhe nga kompensimet, sipas vendimeve nr.401, datë 21.6.2006, “Për kompensimin e të ardhurave mujore të pensionistëve”, nr.763, datë 27.12.2006, “Për kompensimin e të ardhurave mujore të pensioneve”, nr.138, datë 31.3.1994, “Për kompensimin e shpenzimeve nga ndryshimi i çmimit të energjisë elektrike dhe lëndëve djegëse”, dhe nr.471, datë 15.7.1996, “Për kompensimin nga ndryshimi i çmimit të bukës, vajgurit dhe gazit të lëngshëm”, të Këshillit të Ministrave, janë deri në 12 036 (dymbëdhjetë mijë e tridhjetë e gjashtë) lekë;

b) deri në 190 lekë në muaj, por në përpjesëtim të pensionit individual me pensionin e plotë minimal, pensionistët, që përfitojnë pension të pjesshëm pleqërie, të caktuar sipas ligjeve nr.4171, datë 13.9.1966, “Për sigurimet shoqërore në Republikën Popullore të Shqipërisë”, dhe nr.7703, datë 11.5.1993, “Për sigurimet shoqërore në Republikën e Shqipërisë”, të ndryshuar, përjashtuar ato të caktuara në përputhje me paragrafin e katërt, të nenit 96, të ligjit nr.7703, datë 11.5.1993, “Për sigurimet shoqërore në Republikën e Shqipërisë”, të ndryshuar, kur marrin pension të pjesshëm, është deri në 10 275 lekë në muaj. Këta pensionistë do të vazhdojnë të përfitojnë kompensimin e llogaritur sipas vendimeve nr.401, datë 21.6.2006, “Për kompensimin e të ardhurave mujore të pensionistëve”, nr.763, datë 27.12.2006, “Për kompensimin e të ardhurave mujore të pensioneve”, nr.138, datë 31.3.1994, “Për kompensimin e shpenzimeve nga ndryshimi i çmimit të energjisë elektrike dhe lëndëve djegëse”, dhe nr.471, datë 15.7.1996, “Për

kompensimin nga ndryshimi i çmimit të bukës, vajgurit dhe gazit të lëngshëm”, të Këshillit të Ministrave;

c) deri në 190 lekë në muaj, për pensionistët, që marrin pension pleqërie, në qytet, më të lartë se pensioni minimal, kur masën e pensionit plus kompensimet, sipas vendimeve nr.401, datë 21.6.2006, “Për kompensimin e të ardhurave mujore të pensionistëve”, nr.763, datë 27.12.2006, “Për kompensimin e të ardhurave mujore të pensioneve”, nr.138, datë 31.3.1994, “Për kompensimin e shpenzimeve nga ndryshimi i çmimit të energjisë elektrike dhe lëndëve djegëse”, dhe nr.471, datë 15.7.1996, “Për kompensimin nga ndryshimi i çmimit të bukës, vajgurit dhe gazit të lëngshëm”, të Këshillit të Ministrave, e kanë nga 12 037 deri në 12 226 lekë.

11. Kompensimin deri në 190 lekë në muaj e përfitojnë edhe pensionistët, që do të marrin pension pleqërie, pension invaliditeti dhe pension familjar, sipas ligjit nr.7703, datë 11.5.1993, “Për sigurimet shoqërore në Republikën e Shqipërisë”, të ndryshuar, përjashtuar ato të caktuara në përputhje me paragrafin e katërt, të nenit 96, të këtij ligji, me datë fillimi nga 1.5.2009 e në vazhdim, kur shuma e të ardhurave mujore është deri në 12 226 lekë.

12. Pas rritjes së pensioneve, sipas pikave 1 e 4, të këtij vendimi, dhe zbatimit të kompensimeve, sipas pikave 8, 9 e 10, të këtij vendimi, të ardhurat minimale nga pensionet e plota të pleqërisë, në qytet, nuk mund të jenë më të vogla se 12 226 lekë në muaj, ndërsa të ardhurat minimale nga pensionet e plota, në fshat, nuk mund të jenë më pak se 7 234 lekë në muaj.

13. Efektet financiare, që rrjedhin nga zbatimi i këtij vendimi e që llogariten në shumën

4 294,5 (katër mijë e dyqind e nëntëdhjetë e katër presje pesë) milionë lekë, të përballohen nga fondi i kontingjencës, i buxhetit të vitit 2009, caktuar për rritjen e pensioneve.

14. Shpenzimet për procedurat teknike të zbatimit të këtij vendimi dhe për pagesën e komisioneve të shërbimit të pagesave të pensioneve, nga Posta Shqiptare sh.a. për 0.75 për qind në muaj, llogariten në shumën 25 000 000 (njëzet e pesë milionë) lekë dhe do të përballohen nga fondi i kontingjencës, caktuar në buxhetin e vitit 2009.

15. Ngarkohen Instituti i Sigurimeve Shoqërore dhe Posta Shqiptare sh.a. për të nxjerrë udhëzimet teknike dhe për zbatimin e këtij vendimi.

Ky vendim hyn në fuqi pas botimit në Fletoren Zyrtare dhe i shtrin efektet financiare nga data 1 maj 2009.

KRYEMINISTRI
Sali Berisha